

Broj: UP1-06-13-1-8-10/21
Mostar, 05.01.2022. godine

Na osnovu člana 17., člana 18. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 200. Zakona o upravnom postupku („Službene novine Federacije BiH“ broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16) i člana 18. stav (1) tačka a) i stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16 i 82/21), postupajući po Zahtjevu za izdavanje dozvole za rad (licence) za trgovanje LPG-om broj UP1-06-13-1-8-1/21 od 21.01.2021. godine, podnosioca zahtjeva METALIJA KOMERC d.o.o. ŠIROKI BRIJEG, Trnska cesta br. 146, Široki Brijeg, zastupan po zakonskom zastupniku Antonu Čolaku, Regulatorna komisija za energiju u Federaciji Bosne i Hercegovine – FERK je 05.01.2022. godine na I redovnoj sjednici donijela sljedeće

RJEŠENJE

1. Odbija se Zahtjev za izdavanje dozvole za rad (licence) za trgovanje LPG-om podnosioca METALIJA KOMERC d.o.o. ŠIROKI BRIJEG broj UP1-06-13-1-8-1/21 od 21.01.2021. godine.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 21.01.2021. godine FERK je pod brojem UP1-06-13-1-8-1/21 primio Zahtjev za izdavanje dozvole za rad (licence) za trgovanje LPG-om podnosioca zahtjeva METALIJA KOMERC d.o.o. ŠIROKI BRIJEG.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 24. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 17.02.2021. godine uputio Obavještenje o nedostacima podnesenog Zahtjeva za izdavanje dozvole za rad (licence) za trgovanje LPG-om pod brojem UP1-06-13-1-8-2/21, te ga istovremeno uputio na odredbe člana 9. stav (3) i stav (6), člana 12. stav (1), člana 19. i člana 24. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Naime članom 9. stav (3) navedenog pravilnika propisano je da popunjen obrazac zahtjeva za izdavanje dozvole za rad (licence) sa potpunom pratećom dokumentacijom treba biti ovjeren i potpisan od podnosioca, odnosno njegovog zakonskog zastupnika ili ovlaštenog

opunomoćenika, dok je stavom (6) istog člana propisano da se prateća dokumentacija prilaže u originalu ili ovjerenom kopiji, s tim da ne smije biti starija od 60 dana. Članom 12. stav (1) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisano je da je zahtjev potpun kada su uz zahtjev podneseni svi traženi dokumenti i uplaćena jednokratna naknada za obradu zahtjeva, dok su članom 19. navedenog pravilnika taksativno navedeni potrebni dokumenti koji se obavezno prilažu uz zahtjeve za izdavanje dozvola za rad (licenci) za obavljanje energetske djelatnosti, a članom 24. istog pravilnika propisani i dodatni dokumenti koji se obavezno prilažu uz zahtjev za izdavanje dozvole za rad (licence) za trgovanje LPG-om. FERK je podnosiocu zahtjeva odredio rok od osam dana radi otklanjanja uočenih nedostataka navedenih u obavještenju, te je upozoren da u slučaju da ne otkloni nedostatke u datom roku FERK će smatrati da zahtjev nije ni podnesen.

Postupajući po navedenom obavještenju, podnosilac zahtjeva je dostavio dio tražene dokumentacije u FERK primljene u FERK 23.02.2021. godine pod brojem UP1-06-13-1-8-3/21, 26.3.2021. godine pod brojem UP1-06-13-1-8-4/21, te 07.04.2021. godine pod brojem UP1-06-13-1-8-5/21.

FERK je u cilju upotpunjavanja zahtjeva 13.04.2021. godine pod brojem UP1-06-13-1-8-6/21 podnosiocu uputio Zahtjev za informacijama. Navedenim zahtjevom podnosilac je upućen da zahtjev treba dopuniti sa dokazima propisanim članovima 19. i 24. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede i to kako slijedi: aktuelni izvod iz sudskog registra nadležnog suda iz člana 19. tačka a); statut podnosioca zahtjeva iz člana 19. tačka b); organizaciona struktura podnosioca zahtjeva (organizaciona šema), zbirni podaci o broju i stručnoj spremi zaposlenika, kao i broju zaposlenika sa položenim stručnim ispitom, koji su osposobljeni za rad na poslovima iz sektora naftne privrede iz člana 19. tačka f); dokaz da podnosilac zahtjeva ima pravni osnov za korištenje objekata, postrojenja, uređaja, opreme i/ili transportnih jedinica za obavljanje energetske djelatnosti za koju podnosi zahtjev iz člana 19. tačka g); tabelarni pregled objekata, skladišta, uređaja, opreme i transportnih jedinica za obavljanje licencirane djelatnosti, sa tehničkim podacima i podacima o skladišnim kapacitetima iz člana 24. tačka a); opis tehnološkog procesa obavljanja licencirane djelatnosti (šema postrojenja i manipulacije LPG-om) iz člana 24. tačka b); kopija katastarskog plana lokacije na kojoj se nalazi skladište iz člana 24. tačka c); uvjerenja nadležnih tijela o ispunjenosti uslova propisanih za skladišta LPG-a iz člana 24. tačka d); okolinska dozvola (sa klauzulom pravosnažnosti), gdje je propisano iz člana 24. tačka e); odobrenje za upotrebu objekata i postrojenja (sa klauzulom pravosnažnosti) iz člana 24. tačka f); dokaz o posjedovanju boca za punjenje u količini većoj od 2000 boca kapaciteta od 10 kg i posjedovanju uređaja za ispitivanje nepropusnosti prilikom punjenja boca, ukoliko podnosilac zahtjeva raspolaže punionicom LPG-a iz člana 24. tačka g); dokaz o položenom stručnom ispitu za odgovornu lice u skladištu/pretakalištu LPG-a iz člana 24. tačka h); dokaz o zapremini skladišta (tabele zapremine rezervoara) izdate od ovlaštene institucije iz člana 24. tačka i); dokaz o izvršenim periodičnim pregledima skladišta LPG-a obavljenih od ovlaštene institucije (elektroinstalacija, protivpožarna instalacija, strojevi i uređaji, vage, sigurnosni ventili i dr.) iz člana 24. tačka j); rješenja nadležnih inspeksijskih tijela u vezi sa kontrolom kvaliteta naftnih derivata u periodu od 12 mjeseci prije dana podnošenja zahtjeva za izdavanje dozvole za rad (licence) iz člana 24. tačka k). Ovim zahtjevom podnosiocu je u skladu sa članom 13. Pravilnika o javnim raspravama i rješavanju zahtjeva, sporova i žalbi ostavljen rok od osam dana od primanja navedenog zahtjeva za informacijama u FERK dostavi traženu dokumentaciju i obrazloženja.

Postupajući po navedenom Zahtjevu za informacijama, podnosilac zahtjeva je 29.04.2021. godine dostavio dopis primljen u FERK pod brojem UP1-06-13-1-8-7/21, uz koji nije dostavio traženu dokumentaciju, ali je dao obrazloženje da će, obzirom na veći obim dokumentacije i uslova, koje je potrebno ispuniti za dobijanje tražene dozvole za rad (licence), u roku od 60 dana dostaviti dokaze, kojima se utvrđuje ispunjenost propisanih uslova.

Međutim, kako u narednom periodu, podnosilac zahtjeva nije dostavio traženu dokumentaciju, FERK je istom 17.09.2021. godine uputio Urgenciju – Zahtjev za informacijama pod brojem UP1-06-13-1-8-8/21, povodom koje je podnosilac zahtjeva dostavio dopis primljen u FERK 28.09.2021. godine pod brojem UP1-06-13-1-8-9/21, uz koji nije dostavio traženu dokumentaciju, ali kojim moli dodatni rok od 30 dana za dostavu potrebne dokumentacije.

Podnosilac zahtjeva nije u određenom roku dostavio dokaze u skladu sa Pravilnikom o izdavanju dozvola za rad (licenci) za obavljanje energetske djelatnosti iz sektora naftne privrede i to: aktuelni izvod iz sudskog registra nadležnog suda iz člana 19. tačka a); statut podnosioca zahtjeva iz člana 19. tačka b); organizacionu strukturu podnosioca zahtjeva (organizaciona šema), zbirni podaci o broju i stručnoj spremi zaposlenika, kao i broju zaposlenika sa položenim stručnim ispitom, koji su osposobljeni za rad na poslovima iz sektora naftne privrede iz člana 19. tačka f); dokaz da podnosilac zahtjeva ima pravni osnov za korištenje objekata, postrojenja, uređaja, opreme i/ili transportnih jedinica za obavljanje energetske djelatnosti za koju podnosi zahtjev iz člana 19. tačka g); tabelarni pregled objekata, skladišta, uređaja, opreme i transportnih jedinica za obavljanje licencirane djelatnosti, sa tehničkim podacima i podacima o skladišnim kapacitetima iz člana 24. tačka a); opis tehnološkog procesa obavljanja licencirane djelatnosti (šema postrojenja i manipulacije LPG-om) iz člana 24. tačka b); kopija katastarskog plana lokacije na kojoj se nalazi skladište iz člana 24. tačka c); uvjerenja nadležnih tijela o ispunjenosti uslova propisanih za skladišta LPG-a iz člana 24. tačka d); okolinska dozvola (sa klauzulom pravosnažnosti), gdje je propisano iz člana 24. tačka e); odobrenje za upotrebu objekata i postrojenja (sa klauzulom pravosnažnosti) iz člana 24. tačka f); dokaz o posjedovanju boca za punjenje u količini većoj od 2000 boca kapaciteta od 10 kg i posjedovanju uređaja za ispitivanje nepropusnosti prilikom punjenja boca, ukoliko podnosilac zahtjeva raspolaže punionicom LPG-a iz člana 24. tačka g); dokaz o položenom stručnom ispitu za odgovorno lice u skladištu/pretakalištu LPG-a iz člana 24. tačka h); dokaz o zapremini skladišta (tabele zapremine rezervoara) izdate od ovlaštene institucije iz člana 24. tačka i); dokaz o izvršenim periodičnim pregledima skladišta LPG-a obavljenih od ovlaštene institucije (elektroinstalacija, protivpožarna instalacija, strojevi i uređaji, vage, sigurnosni ventili i dr.) iz člana 24. tačka j); rješenja nadležnih inspeksijskih tijela u vezi sa kontrolom kvaliteta naftnih derivata u periodu od 12 mjeseci prije dana podnošenja zahtjeva za izdavanje dozvole za rad (licence) iz člana 24. tačka k).

Obzirom na navedeno, a kako podnosilac Zahtjeva za izdavanje dozvole za rad (licence) za trgovanje LPG-om broj UP1-06-13-1-8-1/21 od 21.01.2021. godine nije dokazao ispunjavanje kriterija propisanih članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, u skladu sa članom 200. Zakona o upravnom postupku i članom 18. stav (1) tačka a) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić, s.r.